

傳世漢文琉球文獻輯稿

海峽出版發行集團

暨
江
出
版
社

傳世漢文琉球文獻輯稿

第一輯



海峡出版发行集团
THE STRAITS PUBLISHING & DISTRIBUTING GROUP



鹭江出版社
JIANGSU PUBLISHING HOUSE

第二十八冊目次

琉球人學見聞錄

.....

琉球入學見聞錄

四卷

〔清〕潘相撰 清乾隆二十九年（一七六四）刊本

琉球入學見聞錄

汲古閣藏板

琉球入學見聞錄序

嘗聞越裳之馴雉北飛外傳備徵其事肅慎則風
牛南偃家語詳列其文終古所藏珍於九鼎充國
之學通乎四藝是以航海梯山著山海之經於域
外何異觀風問俗登風俗之書於寰中非矜一家
之言皆治同文之治也仰惟

盛朝之德化遠被無垠

聖主之懷柔誕敷有截伊琉球之萑爾霑雨露之湛斯
覘出日以來賓望蒼雲而入貢峰飛成怪無事於

非如典屬國之在秦主其侍子大鴻臚之於漢典
厥朝儀而已潘子潤章珪璧其躬珠璣在抱慎簡
教鐸荷俞允於

九重時切提撕歷晦明者四載請益請業弟子旣日異
月新載筆載言先生亦膏焚晷繼惟茲敦學之半
已觀記載之全殫厥編摩彙爲卷帙然使馳思六
合逞辭八荒極奇士之才情肆文人之筆墨魍魎
魍魎蒐剔禹圖驪駮騅駟鋪排穆傳洞胷穿背何

關舞羽兩階毫毚臧羊奚當獻琛重譯則齊諧誌
怪旣荒渺而無稽卽鄒衍談天亦空虛而不用今
觀制作具有體裁首重恩施先登錫爵龍袞驚冕
輯圭荒服而遙鳳翥鸞翔煥彩海隅而外貢葵西
旅之國任土亦憫艱辛賜楮南越之邦厚往頻施
德意星躔所指歷歷都拱北辰地軸無多在在胥
歸王會於是仿洪疇之行八政次於五行師周室
所頒六等施於庶位從宜從俗漸染中華爲兵爲
刑申明小邑凡斯巨典備載宏編若夫考土訓誦

訓於地官合圖與書而畢錄列大行小行於司寇
驗形與聲之攸分蟲篆鳥章如見蹠阮之迹齊登
楚穀皆因封域而殊詎必倉頡之所遺不待象胥
而後諭然後備陳教欵詳列學規試驗婆心但觀
苦口一隅可反儼見其負牆三瀆何妨彌殷於養
正前此談經座北泮林揚芹藻之休今茲吾道行
南海嶠有絃歌之化固作書之宗旨極記事之周
詳至其終以詞章不遺吟咏來王來享氏羗至而
頌聲盈如霆如雷淮徐集而雅詩作雖採風十五

國外亦繼響三百篇中洵可謂網則有綱物從其類者矣或謂見聞之義不可無疑必涉歷之所經庶著述之非妄不知賦天門於閭闔詎必身親記帝軌於羲軒匪關目擊考言詢事但使聞其所聞按部就班何異見所未見是以時當奏績入對殿廷近咫尺之

大顏邀再三之

清問受也如響語焉必詳得自心稽非同耳食乃知五岳可以卧遊豈其天台不能遙賦劉歆若遇應登七略

之書郭璞如逢定有重申之註矣年家眷友生仁
和陸宗楷鳧川氏序時乾隆甲申八月之朔

本朝爲主大書特書至前代事實則帶叙於逐目小引之中亦無掛漏

琉球土音上承

咨問傳信錄所載甚多謬誤琉球國志並削之不錄茲令官生逐條辨析正其訛舛至其字母四十有七亦詳細審問備列於篇蓋亦諭言語協辭命之意也

琉球書籍諸錄不載誦讀之聲則適其國者皆未之聞見今就官生所攜之書從人所誦之聲分別

王明倫先生集卷之八
八
記錄用見言語不通心理自同其法司所著教條
亦附載一則以廣異聞

入學事例諸錄既略檔案亦多遺今特詳加蒐輯
以志

皇仁並欲請將此書存貯國子監典籍廳造入交代冊
內庶後來有所遵守易於辦理

吾師安鄉潘經峰先生蚤歲貢成均以終養還家教授壹心窮經古者二十年已而捧檄入都門受知觀補亭陸鳧川奏薦教琉球國入學官生舉順天闈成進士文名燥莢林涖民齊魯三預分校氣類感召所得士盡老宿擬墨全稿無知不知皆傳誦奉爲楷模嘗語學人讀書惟以小學近思錄爲四子六經階梯史則篤好史記漢書古文惟韓柳顧自慚未能卒業民事餘閒孜孜披吟不稍輟所著周易尊翼周禮撮要春秋尊孟禮記釐編等書皆寢饋

欽定

諸經務於深造自得琉球入學見聞錄曲阜縣志本史法編載

一國一邑事實恭紀

聖天子治教德威傳示無極其文不在諸史後用功深者收名遠讀

先生制義其亦知所從來也夫戊戌春日受業濟寧李光時

始聞吾師刊制義倣馮瓊颺稿例懼列師友於旁行爲不敬因

不書評閱姓字茲虞外人弗知也乃命鍾泰倣古人師友記跋

其尾定師文者國子監則有總憲吉林觀公保補今司農三韓

全公魁穆大司馬仁和陸公宗楷司成桐城張公裕聲鄉試則

有武進閣部劉文定公綸繩宗伯鉄嶺介公福受今少宰嘉善

謝公壩金會試則有金匱大司寇秦文恭公蕙田今大宗伯吉

林德公保定大司徒錢塘王文莊公際華今太常卿大庾戴公

第元篋圖而陸公王公尤嚴去取慎評隲與秦公皆有序文一時朝

久論辨最密莽者永嘉張顥齋元觀桐城張函暉若霍江陰金志遠

鑑

浦江戴桐峯望侯官林心芝人槐善化張漱渠汝辰陽李麓堂

衡一湘潭張度西九錢視家居時陽湖黃芝園官湘鄉黃揆一宜澧

州黃伯稅棠同里熊南湖腴切磋琢磨更專且久以是數百篇

止存九十餘首一首或再四改竄者蓋三十餘年矣甲申以後

歷官齊魯殫心民事不復事時文而分校三科偕寅僚事主司

學使接本房士及諸州縣歲科童試十餘次之執贄請業者輒

意興勃勃不自禁又得若干首時則今湖北撫軍揭陽鄭公大進

謙基今司空奉天徐公績樹今山東撫軍長白國公秦拙清苑朱

公岐克桐城姚公鼎姬丹陽吉公夢熊烏程費公南英新安汪

三

二